



Briavan von Vorsitzar von 17 bintmånat 2025

<i>Briaf nummar</i>	<i>Ma redet vo:</i>	<i>'Z izta khent auzgemacht</i>
39	Zuargem an schütz in Kamòu vo Lavròu vor di arbatn auzzorichta in setz von Toalkamòu vodar Zimbar Hoachebene. Untarleng 'z gèlt boma bart zern.	1. Zuarzogeba, vor allz daz sèll boda iz geschribet in vorbort, in Kamòu vo Lavròu an schütz boma gloabet magat soìn vo € 140.373,57, asó azpe da iz khent ágevorst un inngeschribet in ünsar protokòll pinn n. 1988 von sintzane bintmånat un nâ in sèll boda hatt auzgemacht dar Pürgermaistar Rat atz 31 lentz 2025 asó innzomaga gem in vorsch auzzopezzra vor bazta ágeat di enerdji daz gântz kamòuhaus, nâ in sèll boda auzmacht dar Dekrèt von Minister vor di Umbèlt von 7 von snitt 2025 (<i>Conto Termico 3.0</i>) vor öffentlesche gehäüs boda auzmacht auzohalta sin in 100% von sèll boda khint gezert vor Kamöündar boda hâm mindar baz 15.000 pürger; 2. Zo schaffa ke azta dar vorsch von Kamòu vo Lavròu khint ágenump in <i>Conto Termico</i>, dar Kamòu sèlbart gitt bidrumm in Toalkamòu auz pan djar 2026 halbe 'z gèlt boden iz khent zuargètt un daz ándar halbe in zen djar aberoatantez von sèll boda mochten khemmen gezalt azpe liacht un haitzung un boda dar Toalkamòu zalt alle djar zo maga nützen 'z kamòuhaus;

		3. Zo khöda darzuar ke azta nèt habat zo giana garècht dar vorsch zo macha di arbatn in Conto Termico, dar Kamòu vo Lavròu bart aberoatn in di zen djar boda khemmen daz halbe von sèll boda dar taolkamòu mochten azpe liacht un haitzung zo maga nützan 'z kamòuhausun pinn ändarn halbe vor da auz soin di zen djar bartar machan isolarn 'z tach von gântz kamòuhaus; 4. Untarzolega in gântzan € 140.373,57 vor in Kamòu vo Lavròu innschraibante ditza gèlt in bilantz vo haür aftn kapitl 302100 p.d.c.f. U.2.05.99.999 Misiong 1 Progråmm 11 Titl 2 Macroaggregato 205, boda sa drau hatt ditza gèlt in konto kompetentz vorz djar 2025;
40	Zuargem in ändre auz in dienst zo helva nå in khindar dahuam un in an neutrål platz boma mage stian in patze vor in Toalkamòu vodar Zimbar Hoachebene åhevante von l/ 01/01/2026 sin atz 31/12/2028.	1. Åzonemma in skèma vodar meldung, da gekhluppet un in gântzan toal vo disan provedimént, boda geat geschikht in sèlln boda soin interesårt zo nemma toal dar telematege protzedur afta provintzil plattform Contracta zuarzogeba in dienst zo helva nå in khindarn dahuam un in an neutrål platz bosa mang stian in patze vor di drai djar 2026 – 2028 zalante daz mearaste € 34.285,75, darzua pitt IVA azpe da auzmacht 'z gesetz; 2. Zo khöda ke dar dienst zo helva nå in khindarn in an neutral platz mage khemmen vürgetrakk in an platz boda hatt dar Toalkamòu odar in ändre boda berden nimp di arbat lekk a dispositziong un ke berda nimp toal dar protzedür mocht khön vor aniaglan dienst, biavl 'z khemmat zo khosta afte ur, un darzuar mochtz khön vor aniaglan dienst daz mindarste boz khemmat zo khosta aftz djar ; ; 3. Zo khöda ke dar Uantze Responsabile vodar Protzedür d (RUP), nå bazta auzmacht dar artikul 15 von D.Gsz. n. 36/2023, un responsabile vürzovüara in kontràtt iz dar responsabile von Sotziål Dienst von Toalkamòu vodar Zimbar Hoachebene dokt Roberto Orepuller nå bazta auzmacht dar Dekrèt von Vorsitzar von Toalkamou n. 1 von tage. 29 herbestmånat 2022; 4. Zo lazza az saibe dar responsabile von Sotzial Dienst zo bèksla di meldung punkt vor punkt vor di sèlln sachandarn boda nonet soin hoatar odar azta eppaz berat mångl zo legada drinn nåüge azta hebatn zo bèksla di nòrmen, hërta haltante kunt von zil vo disan provediment,

		un darzuar allz daz sèll boda mocht khemmen getânt zoa zta dar provedimént gea vürsnen, azpe da telematege protzedür zuarzogeba in dienst boda khint khött da, vorschiabante aftnan spetarn provedimént åzonemma in kapitolàtt un di ändarn briavan vodar gara
41	Plån vor di Djungen vodar Zimbar Hoachebene. Ånemmen in strategesche Plån vorz djar 2026.	1. Åzonemma in Strategesche Plån vor di Djungen vorz djar 2026 boda åsteat in Plån vor di Djungen vodar Zimbar Hoachebene asó azpe dar iz khent nidargeschribet von Strategesche Khnopf von Plån vor di Djungen vodar Zimbar Hoachebene un ågenump von arbat Tisch atz 11 von bintmånat 2025 un nidargelekk aftn formulår vodar autonome Provintz vo Tria asó azpe da iz geschribet pezzar in vorbort un da gekhluppett, vorlegante z'zera 22.432,86; 2. Zo vorsa in provintziål Åmt bosen zuarsteat in schütz vo € 11.216,43, un in Kmaöündar vodar Hoachebene in toal bosa mochan gem asó azpe da iz geschribet in vorbort un nå dar konventziong boda iz khent untarschribet zbisnen de se; 3. Zo vorschiaba aftnan spetarn provedimént, lai dòpo azta da autnome Provintz vo Tria hatt ågenump in Strategesche Plån vor di Djungen vorz djar 2026, untarzolega bazta mocht khemmen gezert zo macha alle di sachandarn vorgelekk von Plån, un pitt disan bazta mocht khemmen gezert vorz metsch boda drauschauguet (RTO) un innziaga in schütz vodar Provintz un di toaln boda mochan zaln di kamöündar vo Folgrait, Lavròu un Lusérn asó azpe da iz geschribet in vorbort;